

Na osnovu člana 16. stav (4) Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj 7/10 i 3/23), na prijedlog Ministarstva unutrašnjih poslova, Vlada Zeničko-dobojskog kantona, na 34. sjednici, održanoj 05.07.2024. godine, d o n o s i:

ZAKLJUČAK

I

Prihvata se mišljenje Ministarstva unutrašnjih poslova dato po inicijativi poslanika u Skupštini Zeničko-dobojskog kantona Elmina Šabanovića a vezano za izmjene Zakona o nabavljanju, držanju i nošenju oružja i municije-Prečišćen tekst.

II

Zaključak sa Mišljenjem Ministarstva unutrašnjih poslova upućuje se u dalju skupštinsku proceduru.

III

Zaključak stupa na snagu danom donošenja.

Broj: 02-_____/24
Datum, 05.07.2024. godine
Zenica

PREMIJER

Nezir Pivić

DOSTAVLJENO:

1x Ministarstvo unutrašnjih poslova,
1x Stručna služba Skupštine,
1x a/a.



Broj: 08-02-06/1-02-1-1469-1/24.

Datum: 21.06.2024. godine.

Stručna služba Skupštine Zeničko-dobojskog kantona uputila je ovom ministarstvu inicijativu poslanika u Skupštini Zeničko-dobojskog kantona Elmina Šabanovića, za izmjene Zakona o nabavljanju, držanju i nošenju oružja i municije-Prečišćeni tekst ("Službene novine Zeničko-dobojskog kantona", broj: 9/13, 1/14 i 13/18), radi davanja mišljenja povodom pokrenute inicijative. U tom smislu Ministarstvo unutrašnjih poslova Zeničko-dobojskog kantona daje s l i j e d e ć e:

MIŠLJENJE

Podnesena inicijativa podrazumijeva izmjene Zakona o nabavljanju, držanju i nošenju oružja i municije-Prečišćeni tekst, u smislu da se u članu 6. stav 1. Zakona, izmijeni značenje izraza sportsko oružje, tako da glasi: "Sportsko oružje je vatreno oružje kategorije B, vazdušno oružje i oružje sa tetivom koje se koristi za sportske discipline u skladu sa posebnim propisima i druga sportska oružja".

Ministarstvo unutrašnjih poslova Zeničko – dobojskog kantona, podržava Inicijativu za izmjene Zakona o nabavljanju, držanju i nošenju oružja i municije-Prečišćeni tekst ("Službene novine Zeničko-dobojskog kantona", broj: 9/13 i 1/14) iz sljedećih razloga:

Sportsko oružje je važećim Zakonom propisano tako da isto čine pištolji i revolveri velikog kalibra podešeni za sportske svrhe, malokalibarske puške i malokalibarski pištolji i revolveri, kalibra 5,6 mm, sa ivičnim paljenjem i sa olučenim i neolučenim cijevima, vazdušne puške i vazdušni pištolji, lukovi, samostrelji i druga sportska oružja, što u izvjesnom smislu predstavlja ograničenje za korisnike ove vrste oružja, prvenstveno streljačke klubove i udruženja, te lica koja se bave sportskim i praktičnim streljaštvom i učestvuju u sportskim takmičenjima. Navedenom definicijom limitirana je vrsta oružja koje se može koristiti u sportske svrhe, te je ovo Ministarstvo stava da u smislu odredbi važećeg propisa o oružju i intencije kreiranja sigurnog okruženja u pogledu nabavke i držanja oružja za streljačke organizacije i njihove članove kao i u svrhu aktivnog bavljenja sportskim streljaštvom, ne postoji smetnja da se sportsko oružje definiše u smislu predloženom u navedenoj Inicijativi.

Obzirom da je ovo Ministarstvo trenutno u procesu izrade nacrtu Zakona o nabavljanju, držanju i nošenju oružja i municije, koji će biti dostavljen Vladi kantona na razmatranje u III kvartalu ove godine, navedena izmjena će biti uvrštena u isti.

S poštovanjem!

Dostavljeno: 2 x Naslovu,
1 x a/a



MINISTAR
Emir Vračo
Emir Vračo